



09697

王奉常集卷之一

吳郡王世懋敬美撰

賦部

騷體

九松悲

士有毋死非所而父及嫡母在焉眉毋九松之下哀而不敢怨余爲悲之

悲哉夫九松之植原兮修叢麗乎榛枳標孤亭之貞  
操兮霜露降而菱飢干雲日而蒙翳兮枝樛結其不  
得理悲風激以成楚兮流脂化而爲碧雛鷓翔跼其  
顛兮羌失恃而就殞似含訴以向人兮歛長鳴而脅  
翼傷望帝之流丹兮撫喬柯而太息荃脉脉其無語

王奉常集

卷之一

一

兮援絲桐而代臆

哀盡眉辭

弁序

友人俞仲蔚有鳥曰畫眉畜之廿載竟以老死籠  
中斯亦禽理之異致物情之永終已詳夫詞人之  
賦鸚鵡鷓鴣舞鶴之倫皆託物以喻情非夫情生  
於物者也若茲禽之依人以周旋而見憐方之人  
理同乎久要蓋仲蔚悼亡之作厥亦有鍾情之實  
焉余乃哀而和之其辭曰

惟越禽之翺利兮擇深林而知止懷好音以長鳴兮  
理脩眉而自喜始尋聲以蒙繫兮終緣巧而被齒匪



林莽之無思兮，翳主恩之足恃。爾乃籠以朱檻，被以翠幃。峰竒石而介嘴，益清泉而漱流。苟飲啄之唯時，雖摧翮其何尤。感鴻恩之優渥，忘鷄質之微眇。旣騁辯以載覲，亦居安而思擾。寄身樊籠之內，抗聲雲霄之表。竭音容以進御，罹寒暑而忘老。嗟竒質之易彫，獨何德而久處。雖經翫於耳目，難終假其毛羽。尾脩脩而就頽，聲啾啾以含楚。猶翕翼以向人，似懷德而辭主。驚絕響兮，雕籠覽遺。挂兮在壁，初悵恍兮。若聞旣杳冥兮，自失悵詩腸之獨在兮。憑鼓吹而誰即，傷眉嫵之不作兮。望遠山而無色，嗟乎夫臣委身而蒙

王奉常集

卷之一

二

遇鳥依人而被憐，養無譏於在梁。寵無累於乘軒，盡筋力於垂老。委命運乎終天，吾將以方冥靈而不足。亦寧與螻蛄而並年。

詩部

擬古樂府

烏生歎

婦舉八子存者四焉，余歸自京師則聞幼子復殤。悲而援筆自歎，因復寫以慰婦。

烏生八子五子殤，雖有二雛短其翮。雄飛摩天不得還，烏母抱雛啼不食。姑蘇臺下行人歸，秋霜淒淒日

色微舉酒自歌還自悲歌莫悲烏夜啼

衛將軍行

男爲奴女爲伎生不識奢從毋衛伎主平陽謳奴主  
平陽騎子夫奪取金屋居將軍却作平陽壻道傍觀  
者不敢名天下誰如衛家貴三侯若若襁褓兒富貴  
只言山不移浪花見生還見滅君問傍人應得知

行路難二首

君不見牽牛織女渡河梁會稀別促情故長人生歡  
會苦日短那知轉眼成參商憶昨與君結襦日額黃  
面粉俱作香屈戌金卮朝合香流蘇寶帳夜安牀只  
王奉常集 卷之一  
言轉大偏解事豈料人生有別腸朝來覽鏡猶自得  
已被他人奪顏色顏銷色滅朝復朝那得從前恃恩  
澤妾身棄擲何足論莫使君名薄倖人

其二

還君文犀陸離之寶劍脫君雉頭吉光之錦裘周召  
聖賢不相說張陳勢利古所羞君不見太行羊腸九  
折坂若比人心路猶坦又不見朝晴暮雨天難知世  
情反覆猶言遲車輪狹斜不相值雷陳自謂膠與漆

正月謠紀泰和異也

正月下澌軒車南祖北風凜烈于吉之野漸流澣其

欲冰雷黯垂而將雨殷驚雷兮倏飛電初敲電兮又  
集霰霰皚皚紛未已雷轟轟擊人死

四言古詩

弘農詩

清晨脂車發自陝疆峻彼兩岕夾轂周行載馳載西  
劃然中明湯湯洪河忽置我傍懸流飛沫旣翕且張  
終南在南中條在北首陽冠之蒲人所宅粵有太華  
蒼然西塞芙蓉目成攬之弗得前琮後璜遺珠在側  
一葦可航誰謂關長一丸可望厲顧盼天風吹裳  
昔在戰國角險競雄狡焉之辱山川是蒙赫赫 皇  
明車書來同雖有天險恃德弗庸靈蟠瑞凝乃生鉅  
公翊我泰階鬱若高墉皇皇者華曰有奔走觀風自  
東獲我良覲旣嘉旣樂土風之厚哀彼營窟亦孔之  
疚小臣咨訴敢告良守庶無西顧以攄我后

汝師同年兄召還翰林供奉小詩奉送不頌而

規友道也

虞丘贈友人也五章章八句

巖巖虞丘晦陰蔽之嘒嘒蓋臣師尹紉之虞丘明矣  
維日之朝蓋臣勞矣維 天子之招

瞻彼城烏載飛載哺孰是人斯而無父母周之中興  
爰立孝友於惟蓋臣亦在左右

誰謂河清人不可俟誰謂華高人不可企譬彼行邁  
遵途用始先民有言維忍乃濟

毋矜于竒毋狃于多六合大矣河潤幾何毋曰皦皦  
毋曰叢叢人之相去如彼唯阿

翰飛戾天蟲鳴在戶送子宵征我耕于野我毋獨謀  
子維能下神之鑒之薄言往戒

五言古詩

詠史詩四首

王奉常集

卷之一

五

烈士輕七尺由來殉知己知己問爲誰濮陽嚴仲子  
白刃起睚眦行遊報俠累平生所食客緩急難可恃  
顧盼求賢豪乃在軼深里政也方鼓刀辱此卿相軌  
捧觴意何長肝膽向君委獨行謝車徒七首入韓市  
鷹擊無完膚餘勇自屠豎慨意酬所知雄名付其姊  
遐哉壯士規寧爲百金死仲也何足云所貴得茲士  
三歎令心哀九原不可起

其二

新氏千天紀簸蕩炎德微龔生實明哲垂老遺榮歸  
何來安車聘使者前致辭印綬羅門庭中心悵有違

顧謂兩子前受漢恩不訾未能事二姓安得卹所私  
長寢見故主楚老爲傷悲天年竟以天千載惜蘭摧  
甘與蘭蕙摧不隨秋草萎秋草腐中野汨滅復何施  
芬芳結蘭珮旣沒有餘暉

其三

昔有東方生上書高自許長卿家成都作賦凌寰宇  
識能驗列仙文能動人主遇合豈不諧致位非公輔  
執戟一何疲文園竟淪沮客難寄所懷遺書自千古  
此道會有伸榮名忌多取寂寞漢庭吏齷齪誰比數

其四

王奉常集

卷之一

六

人爵不足侈道義我所營荆軻効壯節目若無公卿  
翁伯一爲俠閭里傾朝廷况此履道資道重物自輕  
鄭生在谷口成都有君平龍德旣無用千載自成名  
何事冠與裳撫已有餘榮塵埃等世路抗志凌高冥

早行

假寐及明發攬衣起裴徊裴徊欲何之赴我同生哀  
顧瞻几筵側悵悵不得違出門戒脩途愴愴結餘悲  
清飈激林薄列宿夾天垂路暗徒旅躑十里光熹微  
塗塗露稍歇耿耿日就暉春光自駘蕩見者成萎蕤  
往復詎云勞亡歿多所懷百年苦遙役安事久不歸

仰觀肅肅羽羨爾凌風飛

初夏田家

本愛園林居遂與塵世隔歌枕過鳥啼初陽在簷隙  
攬衣臨前除遊目恣所適藹藹阡樹交紛紛里烟白  
清渠已新苗高壟尚餘麥雀乳深茅茨魚防間荏澤  
野夫荷鋤語小婦當窓緝周覽物候齊愴焉忘朝夕  
薄暮池上歸苔痕亂深屐

尤子求竹林七賢圖

河內構崇基景文弱皂衽達人鑒幾先沉酣遠世路  
把臂命儔侶齊心諧所慕開襟蕩幽思倚篠託貞素  
王奉常集

卷之一

七

英英嵇阮姿便便山公度劉生橐玄關秀也恊真悟  
仲容旣同調安豐復軒舉忘年在冥心日上自成趣  
聚散會有窮金石交未蠹追舊黃公墟興哀山陽賦  
絲肉無留聲淇園今非故執鞭莫余從風流或可沂  
立春後一日行飯有作

江南氣候暖歲晏無飛霜昨來中新律今已羅春裳  
駕言命儔匹携手同翱翔淑景驅玄冥柔風媚青陽  
蒼蒼土脉動蔚若百草芳雖復愁思客披覽爲慨慷  
莊隱戀泥塗佛卧疲津梁物情貴所適行樂故無方  
願言秉微尚撫已終徜徉

初夏行役

銜卹久廬臥抱痾廢春遊顧令芳菲節冉冉不得留  
歲蕤去蠶月葱蒨及麥秋我來適茲役悵望登榛丘  
晶日澗高原和風滌清流灌木滋重陰鷓鴣鳴相求  
巾車倦行李日暮思方舟物情妬偃仰誰能偷自休

擬古詩二首

步出城東門行遊五陵間五陵多豪子車馬何間閒  
雕韞控繁弱連錢着錦鞮相逢俠邪道青驪左右旋  
觀者盈路傍轉眄自生妍繁馬當青樓入門問所歡  
挾瑟前置酒賓從羅四筵酣歌竟日夕爲樂及盛年

王奉常集

卷之一

八

榮華遞相逐誰能不弃捐服食傾千金奄忽摧朱顏  
安知窮巷士短褐卒歲寒所守但一經千載名自傳

其二

峩峩長安道鬱鬱都門柳柳色麗青樓飛薨直道右  
中有衛李家絲肉競清奏徵歌入尚方玉顏奉君帝  
昔是名都倡今爲漢宮后兄弟盡封侯餘光及賓友  
遇合當其時貴賤亦何有須臾寵衰歌旦暮成好醜  
朱門零落盡榮耀復難久悲此循環端誰能長不朽  
同侪仲蔚家兄元美登馬鞍山飲以山高月小

四字爲韻茲得月小二字

陽鳥下山岑暖暖川上沒沙崩石岸出雨積松徑滑  
踈林時映帶遠塔乍明滅興盡宵中還春燈亂寒月  
其二

携榼停山椒憺焉忘昏曉涉壑旣逶迤尋峰復縹緲  
林端樓閣迴烟際松蘿小何當返城市夙心愧飛鳥  
惠山次唐人韻三首

丹崖賁陽景峻坂陵穹蒼憑高恣遐覽下見漪蘭堂  
和風集林表飛鳥東西翔方沼溢甘泉悠然發清光  
酌醴味玄旨緩頰來餘香生平慕竒者撫景安能忘

其二

王奉常集

卷之一

九

飄飄度岑嶺春色來娛人歷覽寰區內安知故與新  
疇能詠招隱此道未緇磷烟霞有竒癖泉石無世塵  
樂飲竟白日長嘯甘青旻沉吟慨遺編千載爲我隣

其三

舍舟登蘿徑停策憩松樾乳竇何泠泠臨流歎幽絕  
寺古行跡稀苔深石文滅雙鳧擁春雲百臺倒山月  
歡飲會有歸顧景不得發徇此丘園姿願屏塵世輟

沙頭送曹甥比部

日暮遵廣途東風飄零雨之子歸承明冠蓋滿河滸  
親愛日以離窮賤徒自苦余方安鹿車子毋薄郎署

去矣崇所圖期之在心膂

早行

觸暑遵脩塗巾車命常早熹微始前村浩漭復行潦  
宿霧卑柔條流螢暗豐草赤雲從東升朝日忽杲杲  
照我車中衣曠然感懷抱行役顧馳暉疇能不自老  
諒無魯陽戈秉燭良可寶

爲劉少府使君賦晚香亭

四時屆嚴栗百卉謝葳蕤桃李經春茂蒲柳望秋衰  
獨有東籬菊歲晚故垂垂凌霜吐芬郁含露發華滋  
德同歲寒操名爲志士規劉侯昔青瑣在公敦素絲

王奉常集

卷之一

十一

看花洛陽陌起草明光時榮名懼將暮秉心安所施  
一麾寧足道三歎怕在斯結茅慕衡宇餐英揚妙辭  
寂寞靈均後再與彭澤期願言堅素守持以比貞姿

王子入山投詩言別率爾有荅

王生吐金聲卓朗自弱冠修辭慕子虛著論准容難  
良璞蒙屢摧繁聲薄三歎躑躅遺世氛局促傷歲宴  
尋山契幽舉貽友託清翰抱甕春山中獨往自成翫  
叢桂何連卷淹留無昏旦蹟往河朔杯心違山陰鍛  
生平若俛仰云胡勞聚散譬彼同心絃蟬緩中淒斷  
一爲招隱彈冷冷入雲漢

汎五里湖得爭字

汎舟入明湖青雀一何輕諸山左右至春水日夕生  
仰看川光接俯見天宇晶是時近清和豐隆寂不鳴  
錦帆挂中流超忽若天行江湖信所適魚鳥莫見爭  
聊爲榜人歌庶以慰生平

登漆塘竹林下得偏字

移舟漆塘址躡步見飛泉尋源始隈隩登麓漸阡眠  
脩篁翳層坂金碧何相鮮叢條下拂石翠色上千天  
嘯傲長林下把臂懷七賢生無軒冕憂茲理幸見偏  
安得起牙曠爲奏朱絲絃

王奉常集

卷之一

十一

至漆塘絕頂見太湖得客字

尋山涉逶迤撫景窮旦夕遊目翠微巔巨麗生咫尺  
遠近標羣峰東南淪大澤山高日浮紫水闊氣生白  
莽蒼千古懷沉冥萬象色悠然命樽酒獨醉滄洲客  
放曠湖山間吾生付雙屐

舟行

泊舟閩門道汀渚生夕曛巖程指明發展側及宵分  
雞鳴舟人語柔櫓聲相聞浩渺烟波間鷗鷺自成羣  
輕霞冠初景遠巘斂餘氛日出照蟾蜍髣髴若織雲  
停燒止宓妃擊鼓下湘君情境自怡適寧知行役勤

八月既望與客飲西園小橋有述

置酒遊西園秋氣一何佳脩篁圍廣除飛石梁金河  
素月流中央晶晶浩無涯神飈雖不驚滉漾自成波  
耀光落樽彝粲若食其華廣陵絃哀響昌樂肉新歌  
宵分履綦散醉影相婆娑行樂及良時毋爲戒露多  
願言共申旦柰爾烏飛何

中秋十有六日始望徐荊州至宴小祇園

林卧疲宵遊蒼逕妙行跡還聞叩荆扉惠然至佳客  
指顧樽酒傾沉冥恍生白是時金虎中望舒始兒鬼  
象構依化城尼珠假其色惠沼驚潛鱗叢林鑿纖翼  
王奉常集

卷之一

十一

生平共肝膽把酒一爲祈莫言易前期百年寡諧適  
願垂燈光明及爾齊朝夕

題顧文康畫

國鈞挺奇秀翰史標都長玉樹着土中令人憶文康  
生平渺點染遺墨等琳琅茲圖發心賞遂令蹊逕忘  
落落兩長松居然具棟梁規模自承旨丘壑中所藏  
玄黃何用同襟期故相望爲君十襲重持以比甘棠  
爲凌少府題柴桑隱居

策士狗世資哲人葆真逸循性附所安有懷誰能易  
柴桑棲隱地舊是陶公宅還家罷五斗荷鋤無一力

涼風北窓臥，顛返羲皇色。茅茨盈數椽，千載歎遺跡。  
凌侯何翩翩，作吏世清白。浮踪寄塵宇，素心纏至德。  
悠然南山懷，睠言載圖籍。冥鴻振高翰，在遠自相匹。  
所至皆空庭，何必去彭澤。敢以歲寒心，爲侯志金石。

題伯父山池爲弟四兄瞻美作 二首

石生志肥遯，潘子賦閑居。敦彼丘園貴，寧爲俗士拘。  
達人負豪舉，名勝標東吳。田池比素封，內顧無留儲。  
構斲類天成，輦置信神輸。竒石冒衆芳，蔚若雲霞攄。  
搴英躡危磴，飛觴激流渠。羣從相招遊，絃歌歡自娛。  
其人已埋玉，樂往悲有餘。

王奉常集

卷之一

十三

其二

餘悲復何爲，念此陵谷摧。好惡旣殊端，盛衰亦有時。  
叢桂猶偃蹇，池臺或已非。碧澗歇蘭芳，朱軒塵網絲。  
錦石妬其完，葦施驕不治。樵採見童豎，登覽安所之。  
置酒高堂上，徘徊隆我思。

早出天池遇雨

夕息瑤池巔，窮覽會興盡。平明筍輿出，初地猶在近。  
指顧惜別端，淹留慚招隱。陰堙清夏氣，森木發朝牝。  
山雲興祁祁，谷泉流澗澗。潛潁膏川原，隄渠自相引。  
有滄方農辰，若濡詎勞軫。欣賞萬遇諧，安排百慮泯。

彼美矜名客將貽忘機哂

由東九經獨山將訪張公洞

駕言遊城東浩漭秋水淥輕帆帶緩流方舟凌巨澳  
嶺峯浮遠青潺湲瀉鳴玉沿洄獨山下亭亭白雲宿  
其俗萬室陶厥土美喬木尋奇境非遠撫景眷彌足  
夕陰歸藤蘿山光被種稜翳然足會心况乃罷遊目  
緬懷仁智端疇能謝初服

夢羲蔡使君坐中喜禱雨有應

齊聖勞桑林中興泣雲漢天運不可常賢者違其難  
所貴在惓誠金石猶可貫龜勉我蔡公憂思勤旱爨  
王奉常集

卷之一

十四

民瘼豈獨任撫已若顏汗五旬爲民請毀鞠寧足憚  
赤日暴中庭三星夜猶爛丹衷徹真宰迅颺起清旦  
式舞來商羊有滄徵姪鸛甘澍足四郊蘊隆一以散  
蔬食飯故人相懽忘日晏毋謂天夢夢昭赫運神觀  
來蘇雖在望民力猶塗炭撫疲篤所終良規寄清翰

由鄆縣至兗州

日入息行徒雞鳴飭車乘道出賢聖墟中覽興景行  
闕里結餘瞻岱宗虛奇勝嚴程無停軌駐目有荒逕  
中原日鹵莽土風一以勁孰云鄒魯間文學自天性  
曷志弘前脩異域可齊境

東平道中喜春色有述

中原春始半桃柳解生色垂條縈輕煙含英媚初晰  
復覩千林杏纈紛綺殘白麥墮何青青欣若感 聖  
曆春風蕩寰宇窮谷色轉碧駐馬望四山頗令羈懷  
適微生負沉寃席藁暴中直願垂吹萬息等潤木與  
石

歸懷奉答家兄

有客類鷄居都門三日止上書不謀身此志誰見紀  
哲兄感時化歸懷迫中起慚愧小隱君願言偕秉耒  
柳季懽三黜顏生怨二始懽怨復何言臨流一洗耳

王奉常集

卷之一

十五

書懷

昔我辭家晨幼子先夕殞銳意叫閭闔脩塗發堅忍  
艱難始一疏安得遂高引乞食依山僧漂泊寧足慰  
平生所憐女言笑復不蠢消息萬里聞弱質告垂盡  
一身寄浮屠萬事付朝菌本爲眷屬來難令愛心泯  
淒淒夜無寐惻惻中含軫五情遯相迫短髮誰能鬢  
去去勿重陳將爲達者哂

旅懷簡盛二

上書久不報蕭條慚溥遊黃耳無還音黑貂空敝裘  
羈懷怯旅食雅意營匹儔奈我同心人飛騰不可留

高詠頽遠篇殷生始欲愁鄭重林間鶯盡日鳴相求  
一觴自酬酢聊用緩我憂毋深羅雀歎還老種瓜侯  
始謁選與家兄別二首

雙鴻戾高旻翩翩整修翮何意衝飈舉吹我墮空澤  
羽毛一何摧形影深自匿幸逢天休明得遂彈與射  
啜喋薰荇間眇睎一以適豈伊雲霄望遂垂雙飛翼  
行者畏罽羅處者戀磐石躑躅不能前顧景自銜恤  
會當遵故渚天路安可極

其二

弱齡無外志頗願營東山際會諸哲兄十載共憂患

王奉常集

卷之一

十六

弓旌豈獨枉微尚遂不堅冠蓋羅前庭循已中自憐  
干將匣其銛顧謂鉛刀前珪璋薦清廟束帛貢丘園  
在勿苟失玉斤尋思兩相舍率即長路恨恨不得言

荅家兄二首

清晨發鄉邑白日麗軒車猶子戒零雨指顧命衣袂  
雖無膚寸陰離畢有其符徘徊不言還中路將及濡  
君子惜良時小人偷自娛甘苦喻中腸它人安得俱  
達哉邠生規止足故有餘百石恒自免庶以保桑榆

其二

聖代多環寶羣山効其祥遂令珽珠質採擇等琳琅

雖微兼城美夙昔稟周防白圭一爲玷瓦缶同摧傷  
恒恐中貽缺仰慚明月光完璧盍歸來中心良以藏  
家兄移文乞休見示有荅

明發懷佳人宛在漳之湄華槭披清風攄情多素辭  
歸懷豈不喻要自中所私烈士輕千金由來亦徇知  
明珠羅南海百斛致娥眉陽城一爲悅膏沐詎辭施  
含媚意不前徘徊翻見疑蓬心苟難虧鸞舉會有時  
自憐東家女矍步慚令儀拂拭充下陳旅進殿諸姬  
在賤易成退爲容當向誰浮沉邴生節白首以自期

芙蓉園詩爲用晦王孫作

王奉常集

卷之一

十七

昔在建安時翩翩佳公子飛蓋西園遊芙蓉紛旖旎  
世胄厭膏粱風流日淪靡王孫信大雅抗情千載士  
輪轂豈不殷所志乃黃綺爲園日以涉俛仰得其理  
衆芳委鴟鳩芙蓉披獨始方舟塞其英將以貽萬里  
美人杳雖期誰能久懷此三歎騷人言臨風獨延遲  
久雨述懷

今年上元後苦雨俄浹旬重關掩浙瀝忽忽不知春  
蕙草生堦前將華復已陳輪蹄斷深巷烟火濕比鄰  
幸免無食憂安能妄過人兀坐但一編幽意時自親  
薄寒易相中賴此芳耐醇忽復念同生辛苦行問津

吹簾不入耳有酒空沾唇

宜遷楊君爲客部郎以清節選尚符璽居無何  
復引疾歸時余方有尊鱸之思聞之悵然媿晚  
也爰賦別章情見乎辭

卧痾謝朝謁荏苒及素秋我友驚何之告我以倦遊  
致位在符卿偃仰復何求蓬華易金門無乃乖沉浮  
桃李耀芳時谷蘭生自幽丈夫葆真性恥與俗士謀  
曰余藜藿姿所願恒一丘朔風日以厲單車無重裘  
秉退若不先媿君前舉籌江臯遲蘭權或可齊方舟

黃山詩爲吳郎賦

王奉常集

卷之一

十八

昔聞軒轅君煉丹此山中地肺亘百里天半羅羣峰  
羣峰三十六一一作芙蓉環竒香難即夢想遙相通  
何來吳季子爽朗負竒節自言黃山人久與黃山別  
大編住真州千金買懽悅壓酒金陵姬觀濤廣陵雪  
生平丘壑姿躑躅爲情羈玉女坐峰頭問君何時歸  
叢桂開復落猿鶴將見疑長嘯苔山靈會有還山期  
虎頭妙筆端爲君縮地脉真形落囊底所至一拳石  
憐余好竒者披卷動顏色待君歸去來便買登山屐

顧季狂遊楚詩

木葉下洞庭秋風滿七澤之子復楚遊孤征屬修翮

雲雨高唐思陽春郢中色江介無捐佩陵陽有懷璧  
十載銅鞮歌曾是襄陽客矯矯汪中丞昔爲二千石  
開府來舊邦懷人虛左席明月武昌樓清秋峴山屐  
高興復不淺流風若可卽爲問幕中賢觴詠得如昔

題休寧程生卷

新安饒名山多爲隱淪有問誰嘉遜者忘機漢陰叟  
爲園以日涉遠與柴桑友疏池規月半藝石蹇霞右  
清齋雨後蔬企脚風前柳松下時讀易竹中或命酒  
偃仰百年內取適誰獨久玉埋寒已骨編在澤猶手  
有子迫令貽締構示能守丹青炳若存金石紛垂後  
王奉常集

卷之一

十九

褰裳有餘思流風以不朽

贈道易陳子

少長閭闔門生憎閭闔市挾策叩銅龍銳意拾青紫  
豈乏國士知疏節易成毀使酒武安坐避仇夷門里  
濩落廿載間坐見陵谷徙艱難身始厲貧賤誰見紀  
獨身客故郡他鄉老妻子雅愛蒼埋言捉筆有妙理  
尊酒一爲懽頽然滅長技斯人未易才舉世多貴耳  
非子與世畸豈余能得士

王奉常集卷之二

吳郡王世懋敬美撰

詩部

五言古詩

汎太湖抵西洞庭

具區昔載勝包山始薄遊理檝戒良辰景氣及凜秋  
帆輕岸猶近舟歛風始道洪波蕩無涯超忽薄天浮  
初陽麗遠岑微陰帶中流隱見遍羣峰出沒或環洲  
舉白屬飛鴻高詠驚潛蚪崩澗餘胥怒徜徉存蠡謀  
弔古有遺思會心故忘憂疲繭儻可捐庶彼沙中鷗

王奉常集

卷之二

入林屋洞天不能竟有述

日餘探圖經寤寐存靈跡涉險幸茲遊跂望或蠡測  
是時秋潦重縱橫迷咫尺褰裳一以厲踉蹌不得息  
肩摩困偃僂腓沒傷跼踏旁睨境始竒前瞻路彌窄  
豈乏獨往心愧此幽尋力真宰吝懷珍神籙闕玄室  
悵望徒空青彷彿猶水碧有待儻爲煩興盡亦以適  
月夜登曲巘由竹林下山家觀屏巘丙洞入暘

谷作

晝息疲坎窞霄游薄籠從金虎澄噫氣望舒當天中  
秉燭循歛徑摳衣上前峰夜靜湖氣白天高山色空

崕竒抱廻阻石幽卧瓊瓏危磴執笈絕密竹路疑窮  
牽蘿一逕出恍與山家通流光囑餘勝絕景媚還蹤  
雲屏旣拔聳洞靈復含窪飄飄遠人境巧斷悟天工  
玄覽恣吾適晤言欣所同

下縹緲峰由西湖歷東湖抵資慶諸寺

峻坂下輕輿連巒帶長簿北指盡微茫南瞻背岸峒  
漠漠晉陵涯遙岑互回磚迤邐過僧院香積飽新穫  
繡嶺標前林墟烟散深落橘柚夾道周華實紛相錯  
人徑歷邇廻禪宮復寥廓乞食無山僧湖光自酌酢  
醅酌返故蹊吾生足芒屨

王奉常集

卷之二

二

度竹鳴嶺

覆釜上山尖建瓴下山足筋力盡履綦顛危寄筇竹  
徒侶皆揮汗九月生煩燠胡爲役四體祇用娛雙目  
汎小洞庭觀竒石

歷覽洞庭山七十二竒峯未若茲山秀環巧特所鍾  
巨石撐波間崢嶸疑鬼工頰者飲猿狖仰者披芙蓉  
炯如燭龍睛遠瞰勢彌雄萬竅齧沉淵勝想安可窮  
變態逐行舟吹驟具秋容惜竒重愴脰瞬息爲鴻濛  
舉觴屬青霄且遺去來蹤

醫者劉生

劉生本通儒中歲學肘後豈無君卿唇自信伯休口  
不受女子知寧爲五侯有秋風吹燕臺蒼然萬楊柳  
藥餌隨所之江湖落君手

古意送李氏二首

建章千門樹中有椅與桐朝宿金莖露夕接蘭臺風  
扶疏當輦道脩蓋入雲中如何陵谷遷棄置荆棘叢  
孤兔巢其根輪菌不自封行者歎芳樹偃息有餘容  
大匠不我顧琴擊何由逢願言荐龍門清廟鳴肅雝

其二

疇昔夢別君涕淚沾衣裳浮雲起崇朝人事果難量

王奉常集

卷之二

三

金閨一以去天祿爲無光輶車指狄道回首望咸陽  
涇渭爲殊域何況隔帝鄉沙磧無人行斧水熟餼  
糧莫爲隴上聲聲急欲斷腸去矣弘所圖金石永相  
望

送王儀部請告歸

蕭蕭椅與桐托根共高岡枝枝相覆蓋葉葉自扶將  
與子同閑里兄弟各相望幸屬休明朝連轡策康莊  
中懷豈獨慙駕言思故鄉盛年輕別離末路惜景光  
恒恐來儀辰人事易參商匹鳥翔東西浮雲天一方  
惟有南山石可以喻中腸

曉發南康一首

我行甫停車胡復事宵征使者巡我郊還爲磬折迎  
出門漏未盡隱隱見前旌寒星沒朝暈燎火代日明  
清吹響林薄飛瀨相和鳴晨光一以動羣岫吐崢嶸  
山木無桑榆涉冬盡葱菁安得凋霜顏等彼物色榮  
驅馳終何道愧此匡山靈去去復不去毋乃垂平生  
豐安寺戲示老僧

倦馬望山煙僧寮午鐘罷何事東林棲將爲路傍迂  
山僧出迎客五體投堦下但曉怕達官那知達官怕  
餘于名宦祠拜先司馬公出示吏民一首

王奉常集

卷之二

四

清河誅家聲康樂詩祖德昔我有王父貽我循吏則  
三握赤縣符尤深是邦澤飲冰與烹鮮所至自堅白  
官從司馬榮名是桐鄉植謳吟結遺老俎豆垂夙昔  
問我何行能秩比二千石將無世澤憑冥報諸孫食  
行部餘干城徘徊素官側磬折前式瞻循懷中永惕  
仰恐隆祖貽俯懇窮民力顧謂父老前庶其箴余失  
毋使襜帷使遠慙雙鳧舄酌水敢告誠白首矢靡忒  
爲李伯玉賦得掃地焚香

塵滓滿京洛旃檀生淨土受性故不諧動息各有慕  
所以蟬露姿羞逐蟻膾趣疑然荀令香不受元規汗

所至恒泊如齋心屏紛慮彼美韋左司令人想玄度  
君看悠悠途誰能保其素

韜中雜言二首時八月閏也

疲繭謝伏謁驅車事遐征遐征豈不勞所願解天刑  
伏軾自朝昏於慮罕所營舉頭見雲間羣雁亦南行  
南行復北翔卒歲不得寧不寧猶自可中道多弦驚  
幸免鼎上菹敢辭雲間鳴饑腸役短翮辛苦終何成

其二

朝辭帝京去暮逐山城棲遊子瞻歸途趣駕及晨雞  
祇言秋冉中安知氣已淒露寒天根見潦苦地脉迷

王奉常集

卷之二

五

蒼蒼太行遠漫漫九河低周游五旬中俛仰見燕齊  
膠輅事形役感此來去蹊終辭曼容祿歸問老萊妻

貽魏父佳父二王孫

豫童生連枝秀色何葱蘢奕奕河間懿八葉粵其風  
齊心奏迭響文巧雙雕龍一爲國士言感激意無窮  
如何棣萼姿乃置荆棘叢中山對旣切白馬篇彌工  
避俗俗所諱存怨怨斯崇飄瓦無伎心達人貴玄同  
宏覽照一世四海爲弟兄虞翻薄祿相幸子毋見從  
已卯元旦宿都昌田家

北風號彭蠡我車行復停停車欲何之柴門隱寒汀

老農聞貴客盡室不敢扃雖無倉卒具延我於中庭  
茆茨濕不火松醪薄易醒烟多室亦煖引滿睡取寧  
且續軛中夢安知窓外零官淡農情洽年至世途經  
但患妨民力豈在勞吾形

聞除目述懷

孤鴻鍛六翮置在庭除間延頸向青旻一步一盤桓  
有似宦游子彳亍不得還豈伊飲食樂蹈此循環端  
徙官百里內徽纒坐見牽干進誠不易求退良獨難  
尺蠖詎云信弢羊中自歎生平既以乖慷慨復何言

游廬山簡寂觀

王奉常集

卷之二

六

恭承陸居士簡寂弘道宗明發瞻山靈冒雨陟其宮  
巨石偃中丘夾澗羅高松寒泉蔓蒼球響落松上風  
入門問丹井禮斗有遺蹤模糊白雲洞黯黹金輪峰  
時見雙玉蚪蜿蜒墜雲中緬慨餐霞人高尚乃不終  
骨蛻事旣杳囊掛理亦空况茲千載後仙馭安可逢  
徘徊鸞溪橋佇立傷飛蓬

夜泊芙蓉湖翫月效韋體

今宵仲冬月忽發滄洲興造艇延素光開樽坐青鏡  
霜合烟樹遠塔掛寒山靜何處洞簫聲魚龍夜深聽  
小至日始發彭城宿逆旅主人作

本無軒冕心偶述諸侯職服官二十載居然賈人色  
日晏問主人斧水不及食寄身馬足下安覩佳晨夕  
曾是簡書畏豈伊能混迹念當事瞻禮宵興困偏側  
出門星滿野蕭蕭方未息譬彼抱衾子知命以爲則  
遊嶧山入石鐘洞就題石間

辛巳元旦入謁 曇陽觀恭述一首

休沐淹晨暮攝提變新次捧檄何徬徨所戀非世累  
王奉常集 卷之二 七  
中宵盥誦畢齋心屏紛翳熹微朝真途參差藥珠是  
絳節披朝霞金支悅搖曳華鬢結深心莊嚴見初地  
願依妙好香堅發清淨誓去者旣以除來者猶可悔  
何當遠真境復此人間世

謝病言懷

中年無宦志觸事思解除偶與象罔諧不爲求玄珠  
三事我大夫伸狎詈其迂感君意良苦賤子倦爲儒  
頑石受銅丸丸轉石自如人生大塊間安得等賢愚  
賢者誠自賢高足策天衢愚者誠自愚寂寞終殘軀  
本無乞歸後呈家兄元美王太史元馭二首

黃鵠翔高最與世遠追逐何意羽林兒矯矢娛君目  
物情有固然機發自相觸真妄足自知毀譽了何屬  
調達謗世尊宣尼厄武叔豈伊初地因而使羣魔伏  
至人有遺言願爲天下谷吾生故自直大道全於曲  
寧但解吾紛終爲造彼福朗曜自乾坤塵業何由續

其二

異趣淪五濁志士歸三乘生長憂患間未至識其聲  
業爲護持侶寧復虞險傾兩心難事人况以學無生  
側聞君子訓去國不潔名以茲遂投劾廓落甘遺榮  
但使法門在何辭秉耒耕歸事大茅君受鞭王方平  
王奉常集

卷之二

八

懷舊詩十三首

并序

予自弱冠受知通人中更家難放言自廢詩情酒  
德洽契名流及乎 召用以來交知益廣倦遊謝  
事或憶故人二十餘年間彫落殆盡歎隙駒之無  
幾悲逝川之不歸雖後生可畏而未契難託實有  
子期山陽之感命篇懷舊總之得十有三人若文

太史李觀察名德最先以冠羣彥次逮梁客部十  
人各後先物故隨意成詠都無詮次自王文學以  
後雖名字不顯厥有翩翩足思者焉參之名流亦

其次也

文待詔徵仲

標映翰墨林文翁實耆舊竒長震殊俗姪行終白首  
總角謁大賢握手呼小友茫茫三十載寂寂慚其厚  
刻鶩滿乾坤斯人復何有

李觀察于鱗

歷下有佳人千載色猶動舉體無世情片語必驚衆  
鮮潔雖寡儔等契故深重白日傾岱宗斯文泣麟鳳  
生陪竹林游死有西州慟

彭徵君孔嘉

王奉常集

卷之二

九

徵君開美資弱冠薄章句酒德和其光誰知中含素  
力辭吳公召終返原生度生平金石心匪以翰墨故  
父子繼淪没天道安可據

徐方伯子與

昔聞嵇阮才度勝推山公君居王李間廓落將無同  
夙齒涉方輿晚節幸相從慟哭臨其喪塵尾納棺中  
遺文竟莫附悲此身後窮

黃徵君淳父

淳父何翩翩摘辭軌六代孰云讀父書擷彩自天籟  
烹茶綠窓下洗劑盡凡態服食求長年骨寒不及艾

風流故未泯兩世殺青在

陸徵君叔平

丈夫志千秋歲暮急知已矯矯陸徵君垂老猶下士  
生得中郎禍人間遂脫屣松菊標晚心丹青炳餘綺  
停策支硎游誰能問君里

袁學憲魯望

日余偕魯望痛飲白門下分飛席未冷寂寞臺已夜  
豈無高尚資迫齡奪權暇開美貽話言深衷託姻婭  
惻愴黃公壚風流難可借

俞徵君仲蔚

王奉常集

卷之二

十

仲蔚本蓬蒿善病復玄晏生無戶外綦出必死友喧  
詞源四五言書骨大小篆妖矜纏少徵三吳沒高彥  
皎皎空谷姿居然不可踐

陸學憲與培

世緣重賚家况也有良朋及予與夫子三世皆同升  
薦我於亞相翊我歸三乘殉身關中節九載以代興  
有無證初地令我傷無憑

梁客部思伯

思伯宰相孫文采能自播桂玉走長安結客時滿座  
嶺南饒竒香得爾猶百和弩矢歸番禺一往竟長卧

餘巧被丹青流風此未墮

王文學君載

大塊施文章早奪復何意之子里中彥弱勉富奇思  
雅量自斛傾准騷萬言麗倦翮急軒舉驚颺忽成墜  
遺草泣靈光微言絕輔嗣

康山人裕卿

裕卿起蓬蒿頗自振風雅居然布衣雄遇我華陽社  
羅罽橫長安脫身枋榆下甌江麗風物衡宇日瀟灑  
竟知丘壑緣長羸不相假

沈處士道禎

王奉常集

卷之二

十一

沈生繁礪才少頗豪於酒醉調胡姬卧目懾荆卿走  
晚多長者游身爲鉅公有彈鋏寧無妻魚腸向君剖  
尺土埋酒徒何煩論身後

林貞烈詩

并序

林貞烈萊者故叅知允中林公之女今中丞孔震  
陳公之子婦也字而未娶陳之子長源卒貞烈求  
歸陳服喪陳公稍難之貞烈遂不食死世懋與兩  
公同舉進士而戊午鄉舉出林公門下有通家誼  
焉聞其事偉而賦之

王睢生而別孤雁不入羣物性有至理情感安足去

林氏三女子一挺蘭芬中女字阿萊婉嫕蚤有聞  
五齡字卿族十齡誦古文二十猶待年未及事夫君  
嚴霜凋崇蘭良苗秀不實音容雖未感盟締皎如日  
黃泉可相從何必生同室卸我倭墮珠解我羅衣裳  
匣我盤龍鏡洗我鉛華粧上堂白阿父兒願臨其喪  
阿父泣不應女毋自摧傷幸不及爲婦何得死陳郎  
顧謂兩女子女私爲我嘗兩女白父言女志不可奪  
所執良以堅寧爲他人活阿父白中丞新婦髮已括  
請以婦禮見毋爲苦絕過中丞默自語倉卒慮輕脫  
幸得緩其來毋便出閨闈明志果不虧臨喪義亦未

王奉常集

卷之二

十二

女聞大慟號舅意良可知幽冥可相通去住理亦齊  
黃泉下從之安用臨喪爲閉口遂不食七日力不支  
嘔血長已矣恨恨猶致詞幸爲携吾喪永傷陳家兒  
中丞來迎柩合葬何膺膺冠蓋走交途輻車泣兩父  
池中兩鴛鴦冢上連理樹昔時有情者比義安足數  
晚近鮮高節匹婦見謂迂不見君與臣國豈本無殊  
死難不食祿王蠟爲令圖節爲子女規名與天壤俱  
遙遙兩華宗女德充其符炳炳史冊間羞彼人盡夫

送屠長卿上計二首

海若驅天吳行潦滿南國維皇軫元元百城罷述

職艱難獨我友指途天西北父老泣相語吾土寧獨  
齋脫身魚鼈間安知我君力我君鸞鳳安寧久栖枳  
棘心知去不返且復遲消息物情有去來吾道安終  
極戢身枋榆下北望垂天翼倉卒難前期能無我心  
惻勸子毋迴車在輿可憑軾

其二

王喬爲葉令月朔朝帝都天子怪其來舉網羅雙鳧  
神人宰赤縣上計不奏殊將無爲術掩循吏逸其書  
精靈閱文章令我疑虛無古來得道人匿景不願除  
華陽恥頑仙猶未忘區區屠君富清識好道竊靈符  
王奉常集

卷之二

十三

雄文動宇內政術無二吳明堂賜金罷顏色正粵愉  
回首尋師言爲智復爲愚

甲申元日過澹圃試筆

解組三涉冬門巷漸垂蘿不知青陽至但眄庭中柯  
東風吹河水瀰瀰成淥波物情易流轉我生日蹉跎  
當時還山意鼎臬今如何四十九年非此日幸未過  
努力超津梁微尚安足多

贈項季輿季輿吾故人子也

酒人不讀書何異屠與酤詩人不解飲亦覺詩腸枯  
我昔與若翁擔簦同入都不聞名卿子但觀山澤癯

贈蹬去學詩晚始倦爲儒性復不飲酒未老忽已徂  
揭來十五春有客到菰蘆投刺項家兒長離第四雛  
問年三十餘問業能操觚詩驚郢中人酒隱高陽徒  
自言通家子廓落無所須願得丈人詩一醉步兵厨  
游客滿乾坤挾冊各有圖抗顏高坐上形散神則拘  
羨子獨無營放浪顏色專我亦忘機客相對醉呼盧  
昔賦曲池篇曲池今在無子且汗漫遊安得事區區  
待我三十年讓子長五湖

與李張二使君飲三衢城樓余醉別去李公示

強屢呼更酌不爲起醒而戲貽以詩

王奉常集

卷之二

十四

丈人故相傾酒人亦相忌昔與李公飲勝負屢角戲  
太未逢故人卮酒須盡意張公不吃酒李公那得醉  
張飲不能多故以詩調之王生酒徒耳其人醉亦易矧以久困餘  
而當新至銳待勞誠得筭乘危恐非義餘勇從君賈  
堅壁守吾計君其問陶潛吾計非與是

月下偶成

中庭荔枝樹密葉一何芳朗月來照之沃若生輝光  
慊慊獨遊子無言坐空牀翹思不可致懷袖徒馨香

贈王湛

宣尼泣獲麟沈尹怖真龍夜光猶案劒枯朽盡爲容

舉俗嚮名高真者會難逢側耳伶倫奏誰知雌與雄  
晉安稀雪霜正始無遺風鄭君旣云沒王子復固窮  
泣血誰相明含意望國工雖微九賓設精光亦已通  
爲子拂龍脣響絕朱絲桐

宿九鯉湖迎仙館一首

曰余少迷方中歲返初服予于復來茲顧景畏途促  
豈以獨往心而從世人角大夢五十年展轉猶未覺  
云胡復夢夢幻境彌相續行藏本心知詹季安事卜  
恭承九仙人蛇跡在冰玉靈境果殊觀寧但醒人目  
傅鄧異賢愚夢者同所欲安得希至人無夢長寢足

王奉常集

卷之二

十五

別陳玉叔二首

長當與子違請畢今日懽今日欲何言悔昔彈其冠  
仕宦二千石寧當慮饑寒不如藜藿士秉志常得完  
飲冰旣中離天刑亦外干心知難久留賴子以盤桓  
如何一朝去頰首入長安明堂畢爲壽願得陳肺肝  
拂衣東都門君恩良以寬君恩與子情永懷復長  
歎踟躕將何贈贈子以崇蘭

其二

夙昔弄柔翰弱冠聲相期妍辭傳末簡振藻同金闈  
爲郎我三已出守子一麾升沉各自致遠近安得齊

不謂弓旌招彼此丘壑姿念當續古懽奉檄東南馳  
龍躍延平津遇合故有時譚藝多推揚並轡或招攜  
倡和二載間所得良以竒自非同根荻誰能長不離  
合當幸爲懽離當判忽悲惟有金石音慰我長渴飢

王奉常集

卷之二

六

王奉常集卷之三

吳郡王世懋敬美著

詩部

七言古詩

元夕篇

落日照青樓長安風色柔連薨十萬戶處處上元遊  
 遊人陌上晚偏多已見金吾緹騎過濯濯踈星浮玉  
 宇溶溶春月動金波金波玉宇光瑩徹九門寒漏聲  
 無歇列炬高連碣海雲華燈坐見西山雪更看香霧  
 生羅縞氤氳但覺春宵好歷亂星橋入御溝縱橫火  
 王奉常集 卷之三 一

樹紛馳道此時天子在西宮鰲山百道起穹崇太乙  
 祠前珠熒爛凌宵臺上玉璫瓏瓏熒熒澄清景魚  
 龍幻戲爭馳騁中貴翩翩結束奇宮娃隊隊聯行整  
 宵分玉輦切雲過月下金莖承露冷鳳吹聲回楊柳  
 春霓裳亂舞芙蓉影霓裳鳳吹惚堪誇可憐今夜鬪  
 繁華青絲玉勒公侯子寶篆香車戚畹家公侯戚畹  
 蹴塵來聞道平津夜宴開金盤桂芷初調味銀甕蒲  
 萄新潑醅金盤銀甕傾豪右哀絲急管如風驟雲母  
 屏邊色欲寒水晶簾外光如晝列鼎徐薰百和香持  
 盃願上千金壽歡娛無那月低河主人稱醉客顏酡

出門未盡纏頭興，隔巷猶聞踏臂歌。聲漸杳，夜沉湮，行樂雖多難及晨。君看明日長安道，撲面飛埃惱殺人。

卽事

去年冬暖十月雷，今年雷雨頻相催。乾坤低昂慘無色，日月晦匿愁難開。胥江怒濤千萬丈，澎湃欲倒吳王臺。四野茫茫盡川澤，但餘寸土成蒿萊。農夫不作荷鋤望，父老何自褰裳來。短衣垢帽足不襪，却立爲我言水災。老人不解陳今古，生長三朝尚堪數。中國何曾有漏天，膏腴自昔稱吾土。弘治以前不得聞，正德之間詎如許。屈指當朝全盛時，八月郊原鬱何旤。風吹米花十里香，日落桑柘千村黃。田家歸來酒數觴，新穀在野家餘糧。桔槔無聲秋夜長，陂塘水落人築場。即有雨潦寧足防，自從海上烽煙起。奔携不復存妻子，兵戈處處銷農器。水旱時時失天紀，卽看十室九室空。况復滔天有洪水，浮沉蛙黽共爲生。吞吐蛟龍方未已，千夫力盡版築餘。家家慟哭秋風裏，兒童樹杪望行舟。老婦床頭躡高屣，西鄰墻壞執不存。曲突烟銷饑欲死，昨來雨歇天乍晴。匍匐始出泥塗行，復聞使者索逋負。道傍捧檄何縱橫，大吏誅求小

吏走公庭流血慘且驚飄零已愁生理盡鞭撻毋乃  
非人情身今老死不足惜坐看兒女長哀鳴須臾語  
罷復嗚咽悵惋使我難爲聽杖藜却返衡門道矯首  
錯愕天冥冥

徐使君子與解郡歸過吳門同家兄元美及諸  
名士出送之泛舟石湖分韻作七言長歌得

豪字

汝南太守賢且豪倦遊便欲歸林阜漢濃雖能中循  
吏楚狂未可輕吾曹鳴榔五月下閩闔期我共汎芙蓉  
舳吳下諸山勝誰絕石湖南來風景饒迴波冲融

王奉常集

卷之三

三

山色動陟壑及業松陰高列峯襟抱望不極水面忽  
出雙蘭橈中流長風聲怒號俄頃萬玉堆波濤狂飈  
颯颯吹布袍赤日黯黯不得驕使君此時正神王舉  
手欲釣任公鰲吾兄叫絕浮大白諸君一一誇霜毫  
君不見畢生狂飲持蟹螯壺中有酒名可逃江湖萬  
里落吾手詎可屈詰令心勞石湖之傍差足老使君  
慎勿輕蓬蒿嗚呼使君慎勿輕蓬蒿

送張伯起應試金陵短歌一首

君家兄弟皆琳琅平原卓犖才最長我昔逢君城南  
陌意氣相看便相惜我今鍛翮投林丘君尚鹽車困

服輓擊筑西遊氣益振素衣復惹秣陵塵三上寧須  
怨楚國一鳴自解驚時人縱橫彩筆凌霜日眼底紛  
紛萬人失得意朝酣北里鍾留歡夜坐南樓瑟石頭  
城外木蘭艫此日長江是曲江江上風流數楊柳君  
看得似張郎否

和徐子言使君覆舟之作

荊州太守移郡歸手持雙螯足雙屐山公罷醉習家  
池徐卿自愛滄洲客道傍不擁五驂騶乘興時呼舴  
艚舟揚舠幾醉五湖月鼓舵欲倒三江流江湖日落  
紅波湧長風撼天天欲動奔鯨駭鷺不復支棹謳無  
王奉常集

卷之三

四

聲榜人恐祗疑銀漢出浮槎却使布颿驚破冢黃姑  
灘頭水幾何那能咫尺便風波蒼茫頗似有神物善  
沒莫遣崑崙奴男兒但使七尺在泥塗詎可妨嘯歌  
紫微之宮帝所都謁帝帝怒鞭天吳馮夷小豎不措  
意詩成奪取驪龍珠潛虬錯愕不敢動至今颯爽神  
靈趨

觀潮篇送沈嘉則之揚州

八月秋氣饒江南道路遙忽憶枚乘語去看廣陵潮  
廣陵佔客何所有大扁千金夜呼酒三五月時行見  
思十二樓頭住應久

孤鶯篇

有鳥名鶯鶯止我芙蓉池黃金爲裳翠爲衣啾啾容  
與波相隨胡爲雙飛失其雌向風哀鳴尾離縱援頸  
翕翼當語誰徘徊顧影不能飛雖有好羽將安施由  
來黃鵠悲寡妻事今反覆更成悲買臣見棄行負歸  
潘郎悼亾多哀詞人生有情淚難持君不見廬江少  
婦字蘭芝一朝被遣生別離兩情如山終不移死有  
二鳥鳴隨之嗟爾孤鶯獨生何爲何不化而飛回焦  
家連理枝魂魄不死常依依又不見望帝血爲杜鵑  
啼精衛填海無窮時丈夫意氣死可期千古之恨誠  
王奉常集

卷之三

五

難渝

魯望報舉進士第六以詩賀之

日君別我過燕市知君昂藏能辨此泥金喜壓諸少  
年珠玉應誇萬餘字野夫聞此心口開夜半驩呼狂  
欲死君家四世元五公只今復繼汝南風春花醉入  
曲江宴錦袍賜出明光宮昔時紅顏人未識此時青  
眼人披拂文章得意會有神男兒成名晚亦得君不  
見王生兄弟俱少年如此早成復何益

短歌送盛二謁選當得府掾

盛君貲卑不中選四十纔堪郡中掾短衣向我稱袍

關匹馬風塵走京縣憐君志意多權竒五斗一官安  
所爲昨聞朝議頗曠蕩論士不緣當世資君看兩漢  
功曹史二千石卿從此始丈夫但保負郭田吁嗟蘇  
生安至此

贈永嘉李生

本朝圍碁推絕品顏生在北南鮑生縱橫萬里割方  
罾睥睨莫敢先馳名李生近出鮑家里晚有意氣姝  
崢嶸潛神布筭三十載頃刻落子令人驚鮑生逡巡  
不即下累百始得相持平十年之間鮑生死江海聲  
名竟歸爾裘裳欲盡東南天眼底誰當好竒士春深

王奉常集

卷之三

六

結客來由拳向余時賭山陰墅四月五月涼風來野  
夫草堂相爲閒初看落落數行下却立袖手俱徘徊  
翻然會意叫竒絕生死萬態須臾回星辰蒼茫白日  
動風雨颯沓晴空摧陰謀頗傳司馬法心計不減弘  
羊才不知王抗品何似思莊玄保差堪比人生要使  
標寸長吾徒豈必卑方技低昂世事那可憑但看圍  
棋說顏李東吳狂士論如此李生沾沾殊足矣

汾陽王單騎見虜圖歌贈郭都督

唐家中葉羣胡張胡雜負恩頻跳梁西北竝舉何縱  
橫天子不得官咸陽力驅氛沴天重光誰其任者汾

陽王胡強漢弱百不當問之何能化爲強憶昔臨軒  
親授旨老臣嗚咽辭天子匹馬蒼皇視軍壘心知力  
闕非長技肝膽熒熒差可恃即令獨往無全理老臣  
不敢愛其死自是神明護忠力令公一呼萬騎碎大  
酋相顧爲指咋雜虜氣懾驕無色逡巡下馬拜投幘  
歡喜願受麾下策請爲吾父掃西賊汾陽醜酒陳辭  
堅兩管驩呼各欲前麾兵一指蕃寇殲回紇北歸王  
凱旋歸奉 聖主千萬年金石炳耀丹青傳沉吟此  
事豈偶然昨來海上殲羣醜大帥勛名滿人口綠沉  
長槍冠軍軍右叱咤風生萬人走平頭降奴踞行酒推  
王奉常集 卷之三 七

足論

九華歌贈送董山人浙甫

重君家七閩閩山何岸寧青天片片芙蓉落左挹九  
仙縹緲之竒峰右撫三華杳靈之洞壑山人近撮二  
山標遠遊更欲隨盧敖何處能尋不死藥相依但有  
長生瓢精神內視天宇開餘事幻出丹青才倉皇寫  
照必盡意意足似欲忘形骸莫言相逢定佳士曾貌

王郎丘壑裏自是君心有竒趣九仙三華如掌指遂  
令凡骨蛻若遺豈堪俗眼傍相睨君今歸向故山春  
春風早渡桃花津尋仙倘遇挑樵子爲寫真形與世  
人

送梁伯龍壯遊歌

梁生跣踵負竒士七尺昂藏心未死騏驎不受檝下  
恩猛氣長思日千里飄然向我誇遠遊意氣自謂前  
無儔吳山如拳不入眼太湖一葦寧足浮東道瑯琊  
渡萊水蓬萊閣前海成市徘徊覽古齊魯間五先  
從岱宗始豪吟獨上秦皇臺海色回看復似杯千秋

王奉常集

卷之三

八

紫氣中原入萬里黃河天畔來虹霓爲旌星爲車還  
過嵩少採三花夷門古道餘千載汴水春風夾萬家  
朝遊大梁夕秦刷九州便欲遊其入中條雲出馬首  
看函谷鷄鳴醉中發自昔咸陽帝王宅青天西柱芙  
蓉色試看仙掌玉女盆何似天門丈人石憐余磊砢  
老東吳恨無羽翼隨風徂把袂天涯問歸日爲生乞  
取卧遊圖

送沈山人嘉則入閩歌

沈郎自好歌白雪况復行藏負竒節中歲出身事府  
主熒熒向人肝膽裂十年淚作眼底珠一片心爲袖

中鐵東遊雲間與白下結客翩翩盡風雅俱言莫作  
吳里行人道王生非長者丈夫狂癡信有之世上紛  
紛那得知大兒文舉小德祖故與狂客同襟期相逢  
一尊見青眼相顧但恨知君晚今朝且盡平原懽明  
日春風武夷遠武夷地主吳大夫意氣得似王生無  
中丞汪公今武庫幕下書記皆元瑜此行欲盡天下  
士寧復還家問妻子豈應湖海事干人認爲乾坤急  
知已將君須把君手送君一折金閨柳武夷千峰青  
向人它時莫拒王生不

過華二作

王奉常集

卷之三

九

君家沉沉萬竿竹色入椀槽釀新綠竹林好盡千日  
醉酒舩堪令一生足吾曹落魄魄王子猷况逢賢主能  
獻酬明年此際酒應熟認取湖頭雪夜舟

贈奕者李生

君不見永嘉鮑生擅奕碁弱冠見賞楊少師至今江  
左傳竒事技頗不辱賢豪知後來顏生稱對壘餘子  
紛紛難等期李生晚自燕臺至妙解直與顏相持自  
言三載渡淮後方幅所遇無藩籬嗟我生平好竒士  
眼中往往多長技二十曾逢顏子明三十還交永嘉  
李祇言南北終雄據豈料人才能後起里中少年誰

善奕爲我戲賭山陰墅一夫命中勢莫當百戰技窮  
心欲死草堂日午簾櫳清看生落子譁無聲巧如飛  
孫集杪樹捷如逸騎追奔星隱如游龍臥碧海動如  
健鶻搏蒼冥低昂萬態呼吸盡意氣千載縱橫生乃  
知供奉積薪輩籍籍人耳非虛名李生李生真國手  
顏今老矣鮑骨朽天下英雄惟使君須防年少生人  
後吾兄自是人倫表爲生品第生知不與生共駐三  
千春夜夜敲枰復呼酒

送華存叔北遊

季子黑貂敝四十遊長安浮雲萬里去白日滄江寒  
王奉常集

卷之三

十一

江帆漠漠垂天起長風蕭蕭壯行李功名十上君莫  
悲由來賢達伸知己當路誰相假布衣明經不得拖  
金紱以茲改服平時好婆娑一官聊復爾君不見訔  
郎鬱鬱困相如男兒何用萬卷書黃金臺下氣突兀  
死骨却勝千金駒人生貴賤亦何有秋草朝華詎能  
久我昔結交燕少年兄弟聲名滿人口只今歸臥東  
海頭世事悠悠任翻手因君爲訪燕市中昔日酒人  
今在不

中丞汪公用言者被調私懷不平作中丞行以

致意焉

中丞君武且文推心置腹戚將軍廉蔣結交今始聞  
時危且須鷹隼擊氣鼓欲掃鯨鯢羣青烽不傳閩海  
箭白日忽動長安雲浮雲蒼茫定何意羅罽橫天半  
垂翅已道文高喜中人復聞功大還生忌捷書何似  
謫書傳綵筆寧同刀筆利竭來移鎮還過家祖道倉  
皇走羣帥將軍飲泣戰士呼日夜更望中丞至中丞  
行歌莫苦聽我擊節論今古伏波將軍困蕙苒雲中  
太守坐首虜昔時人事已盡然今日人才更堪數君  
不見李君龍卧海岱間吾兄鏃翮吳江渚天下英雄  
餘使君豈容獨振搏霄羽又不見塞上翁失馬非禍

王奉常集

卷之三

十一

送華存叔鴻臚北上歌

送君昔上黃金臺半載博取功名回腐儒一經安足  
守奉使萬里真奇哉歸來上冢暫休暇還向中朝稱  
謁者柯磊終非白屋才浮沈自愛金門下典客于今  
侍從臣含香珮玉未須論歸朝獨奏相如賦羨爾風  
流第一人

題支郎像歌

支君渴飲上池水五十賣藥長安市宏詞不得取卿  
相薄祿翻令傳方技袖中吳鉤三尺霜有心拔置平  
原傷黃金如山不厝意晚得鄒侯託真契樓護雖交  
漢五侯無且自愛秦皇帝豺狼道上何咆哮鄒侯埋  
輪氣大豪君也彎弧當前茅刑天罷舞血灑毛此時  
功成匿不見人人願識支君面誰家虎頭善盤礴貌  
得精神與關鍵橘花未霜覆井欄隱囊紗帽白日閒  
手揮如意春風前飲之不試神黯然我亦千秋有心  
者北來長安伏闕下見君此圖氣喑啞黃公壚頭手  
堪把爲君擊節唾壺缺始知盧扁大奇絕不然胡爲  
王奉常集

卷之三

七

照人肝膽裂

燕山歌爲御史大夫南岷王公作

尾箕之區走朔漠陟列諸山莽迴薄瀚南驅碣石  
來太行東抱醫閭躍逶迤欲斷月支色噦嶮遙疑巨  
靈鑿千秋萬歲藏真氣地脉山靈久延遲淮右真人  
握赤符累葉重光宅神器徒豪不用填諸陵鬱葱佳  
氣日夕生龍虎時時朝大內芙蓉面面作長城太液  
雲連北溟黑未央鍾動西山青西山氣爽閭闔開建  
章鳩鵲爭崔巍勾陳蒼茫列帝座紫極照耀連三台  
紛紛不數諸曹掾突兀還看御史臺臺中大夫凜水

壁含霜亭亭數株柏雕鶚秋盤大陸寒虹霓氣吐羣  
山白有時下士春風前金臺碣官恍生色正逢宇宙  
冠裳新嚮明吹律黍谷春燕山不烙胡無塵公也秉  
笏惟重臣藜藿不採朝廷尊我來擊筑燕市邊爲公  
賦得燕山篇願公且莫思岷山燕山縣縣主萬年龍  
門自有中流柱東海波臣只晏眠

題文丞相僊巖祠歌

宇內洞天三十六處處朱宮萬靈宿僊巖晚出荆秦  
間時危一駐忠臣足至今碧染千峰寒草木爭輝水  
增綠憶昔信國初勤王間關南出滄海傷心知一死

王奉常集

卷之三

十三

了吾事溝壑不救邦家亡亦知摧朽無完理磊落且  
爲扶綱常以茲百厥心不死肝膽千秋付柴市當時  
莫謂秦無人慷慨從公二三子初防名姓猶疑俗不  
道詩篇翻得士生時奮翅無寒枝死後棲神薦繁芷  
乃知千載氣益新何況于今二百春處處名都建祠  
地何況仙巖有遺址洞門松柏鎖陰森羣靈夜朝元  
氣深歲時伏謁走墨綬登歌慷慨聞青衿君看今日  
來祠客便是當年死義心

崑溟歌爲楚人曾先輩作

君不見崑崙崙西來二十四萬里金天屹立何嵯峨上

有積石燭天之玄圃下有排空墮海之黃河瑤池羣  
仙白雲登歌大鵬扶搖乃直上黃鶴之飛安能過又  
不見大海蕩蕩水所歸東溟之海稱獨奇尾閭雷奔  
注焦土波潮地底無西回宇宙蒼茫汎漂梗樓臺恍  
惚金銀披鯢魚浮沉日萬里蓬萊碣石秋毫垂崑崙  
群仙都溟海萬靈宅巨麗千秋觀莽蕩二儀色何人  
合置襟懷間自是曾郎楚狂客秀出蓮峰天柱懸氣  
吐霜濤地維圻圖經山海攬可窮變化鯤鵬勢難測  
人言楚狂氣太侈曾郎之狂差得爾吾聞大千世界  
須彌山四州蟻屯山半裏又聞大瀛之海環海外元

王奉常集

卷之三

十四

氣茫茫浴天地安得凌空姿振衣一俯視崑崙小瑣  
纔如拳溟海亭亭一杯水六合之外安可紀丈夫襟  
懷亦如此嗚呼曾郎之狂差得爾

杏林歌爲張生送曹子計偕

長安三月杏花雨片片飛流曲江渚江頭紫馬何聯  
翩歸來醉帶春花眠生平少年不解事咲談拔取詞  
場幟豈知丈夫須晚就一飛解奮橫天翅袖中吳鉤  
鐵蜿蜒時來刃發前無堅但令紫氣冲宵出莫恨曾  
埋三十年

劉司馬破山寇歌

劉公昔長御史臺幕府坐向東南開滄波長鯨不敢  
動潢池小醜胡爲哉婺女源頭晝吹角吏士不戒城  
爲摧縱橫頗貽三鎮倣殺戮已動千家哀臨戎始見  
英雄策推轂還須文武才九重朝飛尺一紙公也夕  
聞投袂起魚符手屬三大帥鉄騎親馳二千里漢兵  
疑從天上出虜氣還令目中死壓若奔雷掣驚電陸  
梁瓦解須臾變銅柱千秋有墮鳶黑山一戰無飛燕  
千山萬山雲霧空山名白日再見芙蓉峰地名手提  
荆棘還王封口占露布歸天工蹄金紫裳不敢蒙將  
士用命臣何功自是創痍待公醒天生方召今藩屏

王奉常集

卷之三

十五

正逢日月光重明豈令江湖時得請願公強飶起東  
山君不見五原無日無烽警

長歌寄贈錢叔寶

丹青昔數曹將軍自言魏武之子孫東吳錢卿亦如  
此昔爲朱戶今青門婆娑行年六十餘小冠褰衣古  
丈夫半生一室似懸磬得錢只付黃公壚客來且置  
牀頭易客去由他釜底魚邇來向我誇生理四壁縱  
橫貯圖史竒書手寫十萬言綠筆神遊幾千里我朝  
畫品推沈周墨氣淋漓骨格迺錢卿銳意追作者往  
往舉筆凌其儔憶昨致卿東海濱揮毫拂素如有神

生平不識戴安道那知畫裡能益人青山滄波落卿  
手宇宙溟濛何不有幻境能令罔象愁晴宵坐叱神  
螭走不知文采置誰左却爲丹青翻向後縱然赤牘  
能驚坐即有玄經還覆瓿嫁娶猶關兒女情姓名空  
挂它人口眼中之交王子猷看竹偶作金陵遊馬曹  
蹭蹬非所好雪夜欲買山陰舟倩卿貌我置丘壑去  
去相期桂樹秋

人日袁考功見過留酌小牕前酒酣放歌却贈  
今年人日百不娛客遊金陵家在吳金陵春事亦不  
薄有官何似當年無清溪館前日欲瞞誰其過我袁

王奉常集

卷之三

十六

大夫喜是舊日高陽徒十千斗酒不用沽床頭春甕  
足百壺春盤未倒綠窓暮春陰滿地雲模糊渡口桃  
花未着葉門前楊柳難藏烏金陵少年紫驪駒有酒  
只過秦羅敷那知曉晚日易徂三十之年一再過二  
毛便欲侵頭顱男兒纔挂馬曹笏河山已限黃公壚  
仰天且莫歌嗚嗚樽中酒盡可復呼霜落烏啼更明  
日摧眉還向府中趨

蒼潤軒詩

并序

蒼潤二字沈先生句詠倪先生所畫竹也仲交盛  
君毓志六籍游藝盤礴業已好爲倪氏竹石則取

蒼潤二字顏諸軒日對此吟寫其間而文太史勝  
題之楊太史文紀之稱一時勝事云諸學士大夫  
過君軒者往往舉觴稱詩會與構體亦云旨而多  
矣至穩括故實揚榘顛末致或遺焉仲交謂余子  
盍賦其事令可傳述乎余唯唯謝不敏已乃強爲  
歌一章覽古人續貂之謂懷斯文形穢之慙不能  
菑木直往覆君家斲耳抑或採其綴緝存爲故事  
點頑化腐請俟後之君子

身是子猷後雅好青琅玕昨來過君軒蒼潤函筆端  
循覽未及竟對此心神寒君家一椽日蕭灑位置翩

王奉常集

卷之三

十七

翩無不雅生於幽事多所關時以卧遊追作者就中  
竹石最成癖師得倪迂妙天下中庭種竹凡幾行綠  
影倒拂雲林堂有時會意翻墨汗點染尺素生瀟湘  
着葉還疑泣煙雨揮條復似含風霜淺態深情一丸  
墨數枝沉沉翠如滴蕭然得意屏几間却使中庭慘  
無色重憶當年沈啓南首拈二字標清格文翁八分  
題更道前身便是文湖州新都太史善紀事奇字往  
往揚雄儔眼前何物不堪寶使我擊節成淹留風流  
遇合有如此男兒即窮亦得耳何況三冬足文史石  
渠東開待吾子竹林之事不足侈龍吟鳳舉從此始

冶池歌爲李道士作

昔時吳王都石頭大冶鑄出雙純鈎雙鈎化作雙龍  
去至今大冶留其處朝天道士伯陽孫學道還依玄  
北門棲真宅神冶城下妙得洪爐鼓其化亦有雌雄  
雙白丸煉之丹室凡幾年爐中有火池有水淬來片  
片芙蓉起內斬三尸外白魔佩之謁帝遊大羅身隨  
玉童列仙格吹笙去伴緱山伯我來三醉冶城歸謝  
公墩上看斜暉風流不見當時迹白鶴教人憶令威

楊忠愍公輓歌行

太華日西摧黃河亦倒行風雷起白日黯黹扶桑傾

王奉常集

卷之三

十八

老鴟怒號鷄雛毆刑天秉干觸邪死世事翻覆那可  
論丈夫有心差足恃憶昔先帝龍飛辰城狐久伏

領下鱗誰其批者且輒斥搖手不令天下嗔容城楊

公大決裂袖草偏輪寸心鐵大言畫地數賊臣壯髮  
指冠昔欲裂蒼茫不得尚方請顛倒汚他髑髏血嗚

呼此事餘十年家家飲泣疑皇天那知郿塢事終敗  
曲突於今更可憐先帝輪臺百事改聖明吹萬

羣方解大鳥歸葬楊關西傾巢幸脫孔北海泥封不  
作第二人廟貌長遺數千載我往從公奠椒漿公今

何所神洋洋激爲雷霆揚震怒鬱爲虹霓攄文章歸

為列星拱帝座散為卿雲垂景光世間何物不俱盡  
富貴榮華等朝菌請看方寸千秋近君不見奸諛未  
死骨已灰兒童能道楊忠愍

王奉常集

卷之三

十九

蘇忠愍

皇明帝室精為卿雲垂景光世間何物不俱盡

